

Saopštenje za medije

Sarajevo, 26.02.2023.

Danas, 26.06.2023 godine u Sarajevu upriličeno je otvaranje Prihvatnog centra za maloljetnike tražitelje azila i ranjivu djecu bez pratnje/razdvojenu djecu. Ovaj događaj okupio je istaknute predstavnike vladinog i nevladinog sektora koji su posvetili svoje napore stvaranju sigurnog i podržavajućeg okruženja za najranjivije članove našeg društva.

Prihvatni centar usmjeren je na pružanju sveobuhvatne podrške djeci tražiocima azila i ranjivoj djeci bez pratnje/razdvojene djece, a u okviru realizacije projekta „Podrška ranjivoj grupi djece izbjeglicama na putu kroz Bosnu i Hercegovinu“ *financiran od strane SwS Solidarity i projekta BRAT - Balkanska ruta: prihvati u tranzitu*“ *financiran od strane Agencija za razvojnu suradnju Italije i rezultat zajedničkog rada, strateškog partnerstva i upornosti svih uključenih*. Vjerujemo da će postati simbol nade i solidarnosti te da će doprinijeti izgradnji inkluzivnog društva u kojem se svi osjećaju dobrodošli i sigurni.

Na svečanosti su se obratili:

NJ. E. Marco di Ruzza, Veleposlanik Republike Italije
Gosp. Mustafa Pašalić, Sektor za azil Ministarstva sigurnosti Bosne i Hercegovine
Gosp. Daniel Bronkal, direktor ureda Caritasa Švicarske u BiH
Gđa Silvia Maraone, direktorica IPSIA - Istituto Pace Sviluppo Innovazione BiH
Gosp. Vedran Mihić, Voditelj ureda JRS-a u BiH

koji su zajedno pokazali snažnu posvećenost humanitarnim vrijednostima i zaštiti prava izbjeglica i maloljetnika bez pratnje u teškim situacijama.

Veleposlanik di Ruzza, je napomenuo kako je navedeni Centar hvalevrijedan rezultat suradnje različitih organizacija i nevladinih aktera od IPSIA do Isusovačke službe za izbjeglice, od Caritasa Švicarske do Caritasa Bosne i Hercegovine, uz potporu državnih struktura, svi ujedinjuju u istom cilju pružanja sigurnog i zaštićenog utočišta osobama u pokretu. „Dopustite mi da naglasim koliko je ključan kontinuirani dijalog između nevladinih organizacija i lokalnih institucija, koji je u ovom slučaju bio odlučujući za provedu, na čemu čestitam Ministarstvu sigurnosti i Centru za socijalni rad Kantona Sarajevo“, naglasio je di Ruzza.

Gosp. Mustafa Pašalić, iz Sektora za azil Ministarstva sigurnosti Bosne i Hercegovine je naveo kako će djelovanje ovog Prihvatnog centra obezbijediti popravljanje standarda za ovaj dio sistema azila, odnosno zaštite maloljetnika što će direktno doprinijeti ispunjavanju uvjeta

Bosne i Hercegovine u pretpristupnom procesu te u konačnici osigurati bolju zaštitu kategorije koje su prioritet u pružanju međunarodne zaštite.

Gosp. Daniel Bronakal iz Caritasa Švicarske naveo je da Bosna i Hercegovina, kao država, kao vlada, zaista je mnogo naučila i prešla dug put i mislim da se stvarno veselimo tome da zajedno radimo na ispunjenju ovog projekta. U tom kontekstu, također sam, naravno, vrlo sretan što imamo toliko partnera koji su se okupili oko zajedničkog cilja. Imamo niz različitih podražavatelja, od privatnih donacija iz Švicarske do Talijanske vlade, u suradnji s lokalnim akterima, koji su se okupljaju kako bi realizirali ovaj projekt i ovo stvarno pokazuje vrlo dobar primjer kako bi se takvi projekti trebali raditi.

Centar predstavlja značajan korak naprijed u kontinuiranim naporima da se pruži zaštita, sigurnost i podrška onima kojima je to najpotrebnije.